

Бекітемін  
ҚР МАМ «Темірбек Жүргенов  
атындағы Қазақ ұлттық өнер  
академиясы» РММ ректорының у.м.а.



А.Ә. Жүдебаев

13.03.2024 ж.



**Темірбек Жүргенов атындағы Қазақ ұлттық өнер академиясы  
«Өнертану» факультеті  
«ТОПЖАРҒАН» атты талапкерлерге арналған  
республикалық байқаудың  
ЕРЕЖЕСІ**

**Жалпы ережелер**

1.1. Талапкерлерге арналған аталмыш байқаудың бас құрылтайшысы Темірбек Жүргенов атындағы Қазақ ұлттық өнер академиясы, «Өнертану» факультеті, «Бейнелеу өнерінің тарихы мен теориясы», «Театр өнерінің тарихы мен теориясы» және «Кино тарихы мен теориясы» кафедралары.

1.2. Байқау төрт бағытта «Өнертану», «Театртану», «Кинотану» және «Кинотеледраматургия» бойынша өткізіледі.

1.3. **Өтетін уақыты:** 16-18 сәуір, 2024 жыл. Қатысушылардың өтінімі 2024 жылдың 16 наурыз – 10 сәуір аралығында қабылданады.

1.4. **Өтетін орны:** Темірбек Жүргенов атындағы Қазақ ұлттық өнер академиясы, «Өнертану» факультеті, 95, 99 аудиториялар. Басталуы сағат 10.00.

**1.5. Байқаудың мақсаты:**

- «Өнертану» факультетіне жазушылық, сыншылық қабілеті бар дарынды жастарды тарту; кино, театр және бейнелеу өнерінің туындылары туралы насихаттауды, оларды зерттеп-зерделеп, шығармашылық-ғылыми көзқарас білдіруге құштарлық танытып жүрген және пьеса, сценарий, тележобалар жазуды армандайтын талапкерлерге өз бағын сынап көруге мүмкіндік беру;

- **I орын алған байқау лауреаттарына Темірбек Жүргенов атындағы Қазақ ұлттық өнер академиясының 6B02195 – «Өнертану» ББ-ның «Өнертану», «Кинотану», «Театртану», «Кинотеледраматургия» бейіндері 2024-2025 оқу жылындағы қабылдау емтихандарына жеңілдік беріледі, яғни шығармашылық емтихан тапсырмай, тек кешенді тестілеуден ғана өтеді.**

- жастарды қолдау және оларға шығармашылықтарын дамытуға ықпал ету;

- дарынды жастарды анықтап, марапаттау;

1.6. Байқауды өткізу үшін арнайы ұйымдастыру алқасы құрылады. Байқауды ұйымдастырушылар құрамын Темірбек Жүргенов атындағы Қазақ ұлттық өнер академиясы ректоры бекітеді.

1.7. Ұйымдастыру алқасы байқаудың қазылар алқасы мүшелерін, Төрағасы мен хатшысын бекітеді.

## **2. Байқауға қатысу шарттары:**

2.1. Байқауға Қазақстан Республикасы бойынша колледж және мектеп бітірушілері (түлектері) қатыса алады.

2.2. Байқауға қатысу үшін үміткер 1-қосымшада көрсетілген өтінім парағын толтыру керек.

2.3. Байқауға қатысу үшін берілген қосымшаны толтырып, қол қойып өткізген талапкер байқау талаптары және Ережесімен толықтай келіскендігін білдіреді.

2.4. Байқау жазбаша және ауызша түрде өтеді. Ұйымдастырушылар алқасы байқау тақырыптарын алдын-ала бекітіп, байқау өтетін кезде ғана қатысушыларға жариялайды. Жұмыстар өз бетінше жазылып, бұрын жарияланбаған болуы шарт. Ал ауызша жауаптың сұрақтары академия сайтына алдын-ала жарияланады.

2.5. Жұмыс көлемі – 3-5 бет.

2.6. Байқауға қатысушы өтініммен қатар анкеталық анықтаманы толтыруы керек. (1-қосымша)

2.7. Байқауға қатысушылардың шығындары өз есебінен төленеді.

2.8. Ұйымдастыру алқасы Байқауға қатысушыларды ешқандай сақтандыру түрлерімен қамтамасыз етпейді.

2.9. Байқауға қатысушыларға ешқандай қаламақы (гонарар) қарастырылмаған.

2.10. Байқаудың өту барысын видеоға немесе фотоға түсіру үшін ұйымдастыру алқасының арнайы рұқсаты болуы қажет.

## **3. Байқауды өткізілу барысы:**

3.1. Байқау екі турдан тұрады.

3.2. Қатысушыға онлайн түрде жазбаша жұмыс жазу үшін 3 сағат уақыт беріледі. Ал ауызша жауапқа даярлануға 5-7 минут уақыт беріледі.

3.3. Жұмыстарды және ауызша жауаптарды қазылар алқасы 10 балл жүйесімен бағалайды.

### **3.4. Жазбаша жұмыстарды бағалау тәртібі:**

- Таңдалған тақырыптың ашылу деңгейі;
- Айтар ойды қағаз бетіне түсіре алу деңгейі;
- Өзіндік көзқарасының болуы;
- Авторлық ұстанымының болуы;
- Мазмұндаудағы қисындылық пен сабақтастықтың сақталу деңгейі;
- Өзіндік қолтаңбасы, стилінің болуы;

- Сауаттылық деңгейі;
- Айтылар идеяның тың болуы;
- Жұмыстың әдеби-ғылыми көркемдік деңгейі;
- Тақырыпқа ғылыми тұрғыда келуі;

**Ауызша байқау (билет бойынша).** Талапкердің бейнелеу өнері, кино өнері, театр, музыка, әдебиет салаларынан жалпы білім деңгейі айқындалады.

### **3.5. Байқауға қатыстырылмайтын жазбаша жұмыстар:**

- байқау талаптарына сай келмейтін жазба жұмыстары;
  - плагиат анықталған жұмыстар;
  - грамматикалық қателері бар жұмыстар;
  - саяси, діни және т.б. теріс бағытты насихаттау мағынасындағы жұмыстар;
- 3.6. Қазылар алқасының берген балл санын қосу арқылы шешім шығарылады. Байқау нәтижесі арнайы хаттамамен бекітіледі.
- 3.7. Байқау нәтижесі 3 жұмыс күнінде белгілі болып, қатысушыларға хабарланады және академия сайтына жарияланады.

### **4. Қазылар алқасының жұмысы және жеңімпаздарды марапаттау:**

4.1. Байқау нәтижелерін Темірбек Жүргенов атындағы Қазақ ұлттық өнер академиясы «Өнертану» факультетінің профессорлық-оқытушылық құрамынан құрылған қазылар алқасы бағалайды.

4.2. Қазылар алқасы келесі аталымдар бойынша марапаттайды:

- I, II және III деңгейлі лауреаттық дипломы;
- қатысушыларға дипломант атағы;
- барлық қатысушыларға Темірбек Жүргенов атындағы Қазақ ұлттық өнер академиясының «Кинотеледраматургия», «Кинотану», «Өнертану», «Театртану» Білім беру бағдарламаларының 2024-2025 оқу жылындағы шығармашылық қабылдау емтихандарын тапсыруға кіруге рұқсат қағазы (допуск) беріледі.